

Radunonza generala dalla Pleiv catolica romana Trun

**Protocol dils 7 da matg 2025 allas 20.00 uras
en l'aula en scola Trun**

1. Beinvegni, approvaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 27). In special beinvegni fa el a nies plevon sur Tomasz.

La gliesta da tractandas ei stada publicada duas gadas el fegl official, l'emprema ga ils 24-04, pia 10 dis avon il termin tenor art. 16 da nossa constituziun. La radunonza ei pia convocada legalmein.

Las tractandas 2 e 6 cun tuttas informaziuns neccessarias ein stadas piazzadas odem las baselgias da Schlans, Trun e Zignau.

Perstgisas: Beat Hosang, Clau Scherrer, Claudia Küttel, Claudia Bundi, Esther Tomaschett, Flurin Decurtins, Gabi e Georg Cajacob, Gion Friberg, Lea Alig, Mäggi Della Valle, Marcus Schmed.

La gliesta da tractandas vegn approvada unanimamein.

Sco dumbravuschs vegn **Gabriela Vincenz** elegida unanimamein.

2. Protocol dalla radunonza generala dils 24 d'avrel 2024

Il protocol dalla radunonza generala dils 24 d'avrel 2024 vegn approbaus unanimamein. Cordial engraziament alla actura Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport 2024. Grond engraziament a sur Tomasz per siu engaschi, igl onn 2026 vegn sur Tomasz pensiinaus, el ei denton prompts da star vinavon en survetsch dalla Pleiv catolica romana Trun quei che legra nus zun fetg. Engraziel fetg era allas catechetas Isabelle e Rilana per lur gronda lavur cun ils affons ed al Cussegl pastoral per igl engaschi. La porta avon baselgia sco segn pigl Onn Sogn proclamaus da Papa Francestg ei stau l'idea da sur Tomasz ed ha survegniu bia segns da renconuschientscha. Las novas cazzolas han saviu vegni montadas fin dil 2024 e fan plascher.

Il rapport cumplet ei annexaus a quest protocol.

Cun ina Salidada essan nus seregurdai dils defuncts. Possien els ruassar en pasch.

b) Administratur dils beins

Il rapport cumplet digl administratur dils beins, Benedetg Albin, ei annexaus a quest protocol.

Grond engraziament a Benedetg per sia gronda lavur.

4. Rendaquen per 2024

a) Rapport dil cassier

Il cassier, Alois Tomaschett, presenta il quen dalla pleiv che siara cun entradas da frs. 452'806.05 ed expensas da frs. 429'587.77 che muntan in gudogn da frs. 22'930.28. La facultad dalla pleiv pils 31.12.2024 munta frs. 681'802.76.

Il quen cumplet ei annexaus a quest protocol.

b) Rapport da gestiun

Ils revisiurs Lea Alig-Flury e Gion Friberg ein buc presents, en lur num prelegia il president il rapport che conferma:

- ch'ils mussaments d'entradas ed expensas ein avon maun
- ch'ils contos da bilanza e dil quen da menaschi corrispundan allas cudischaziuns
- che la facultad correspunda alla bilanza dils 31-12-2024
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun proponan ils revisurs d'approbar il quen digl onn 2024 cun dar scarica alla suprastanza.

La radunonza approbescha unanimamein il quen 2024 e dat scarica alla suprastanza.

5. Rendaquen dallas fundaziuns per 2024

a) Rapport dil plevon e dil cassier

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Blandina Quinter fa attenta ch'il cassier ha menziunau el quen la sminuziun dallas messas fundadas; per las famiglias fuss ei dengrau sche quellas vegnessan legidas la fin d'jamna.

Sur Tomasz declara ch'ins emprova da risguardar ils giavischs, denton ei quei buc adina pusseivel tier ton biaras messas fundadas.

Il quen cumplet ei annexaus a quest protocol.

b) Rapport da gestiun

Sin fundament dil rapport da revisiun proponan ils revisurs d'approbar il quen digl onn 2024 cun dar scarica alla suprastanza.

La radunonza approbescha unanimamein il quen dallas fundaziuns 2024 e dat scarica alla suprastanza.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2025

Il cassier Alois Tomaschett presenta il preventiv per 2026 cun entradas da frs. 351'000.- ed expensas da frs. 356'950.- che preveda ina sperdita da frs. 5'950.-

Il preventiv 2026 ei annexaus al protocol.

La radunonza approbescha unanimamein il preventiv 2026.

7. Fixaziun dil pei da taglia per 202

La suprastonza propona da schar il pei da taglia sin 15% dalla taglia sempli sco entochen dacheu.

La radonunza decida unanimamein da schar il pei da taglia per 2026 sco tochen dacheu sin 15% dalla taglia sempli dil cantun Grischun.

8. Rapport dil president dil Cussegl pastoral

Il president dil Cussegl pastoral, Mathias Bundi, dat rapport sur dil curriu e passau. El declara la consitiziun dil CP ed igl intent dils differents secturs. In giavisch dil CP ei da schar reviver veglias tradiziuns ch'han survegniu si puorla, sco p.ex. la parada dalla processiun tier la perdanonza da NdG. Mathias Bundi engrazia a sur Tomasz ed alla suprastonza per la buna collaboraziun, allas catechetas, allas commemoras ed als commembers dil CP, a Trun Turissem per il sponsurar divers apéros. Il rapport ei annexaus a quest protocol.

9. Elecziuns

a) President

Il president Pieder stat vinavon a disposiziun per il post da president e vegn reelegius unanimamein per in'ulteriura perioda da 3 onns.

b) Cassier

Il cassier Alois stat vinavon a disposiziun per il post da cassier e vegn reelegius unanimamein per in'ulteriura perioda da 3 onns.

c) Administratur dils beins

Benedetg Albin ha abdicau siu post sco administratur dils beins. Il president engrazia grondamein per la grondiusa e buna lavur ch'el ha prestau en quels 10 onns cun in present.

Mattias Cadruvi vegn elegius unanimamein sco administratur dils beins per ina perioda da 3 onns.

d) RevisurA da quen

Lea Alig-Flury ha abdicau siu post sco revisura da quen. Il president engrazia per la buna e conscienziusa lavur ch'ella ha demussau en quels onns en uffeci (ei vegn surdau pli tard in present).

Denise Tomaschett vegn elegida unanimamein sco revisura da quen e Gion Friberg vegn reelegius per ina perioda da 3 onns.

10. Statica baselgia parochiala Trun

Il 1997 ei vegniu renovau il tetg dalla baselgia. Durent il montar las cazzolas 2024 han ins constatau ch'ei dat divers quaders donnegiai, damai ch'aua ei penetrada en. L'ingegnier Ursin Venzin dalla firma IPZ Ingenieure und Planer AG e la firma Tarcisi Maissen SA ein stai sin plaz per examinar la situaziun. Era presenta ei stada Murièle Keller digl uffeci da coordinaziun regional per la protecziun da miezmiurs e miezutschi GR.

Il process da sclariment tgei lavurs ch'ei pretendidas vegn probabel gia ad importar cuosts da ca. frs. 20 - 30'000. Alla radunonza generala 2026 vegnin nus a saver presentar in'offerta che muossa tgei lavurs che vegnan ad esser necessarias.

Silvio Albin fa la damonda schebein quei donn ei segiraus. Pieder rispunda che donns d'aua vid la construcziun dil tetg che seresultan muort in tetg che lai ir atras au a san buc vegni segirai.

La suprastanza vegn a far tuts sforzs per rimnar daners e retscheiver donaziuns da fundaziuns e sponsurs.

11. Vendita da 28.75m² dalla parcella 1859 a Magnus Klaiss

Dr. Jochen Folz, vicari digl uestgiu, ei staus a NdG cun Pieder e Benedetg per sclarir schebein nus astgein vender in toc prau sisum quella parcella. Nus havein survegniu quella lubientscha e proponin da vender 28.75m² a Magnus Klaiss per ch'el sa slargiar siu access tier la casa per frs. 12'000.

Il president ei perschuadius che la casa da M. Klaiss survegn in augment dalla valeta e che la summa da frs. 12'000 ei giustificada.

La radunonza decida cun:

25 gie

1 na

1 abstenziun

da vender 28.75m² dalla parcella 1859 a Magnus Klaiss per frs. 12'000.

14. Varia

President Pieder orientescha ch'els han discuriu cun Dr. Jochen Folz era dil cuolm a Prada, parcella 6194, e dalla casa pervenda a Zignau. Omsdus baghetgs ein en in stan desolat. Davart digl Uestgiu havein la lubientscha da schar vi en dretg da baghegiar quels dus edificis. La publicaziun vegn a succeder proximamein.

Isabelle fa attenta sil Di digl Uestgiu ils 15 da zercladur a Cuera sil Plaz Arcas cun in survetsch divin e gentar communabel en conex pigl Onn Sogn digl Uestgiu Cuera che vegn festivaus parallel tier igl Onn Sogn proclamaus da Papa Francestg. *Sur Tomasz* menziunescha ch'ei fuss stau bi da separticipar cun ina grupp, denton ei quei di perdanonza a Schlans. *Rilana* fa attenta che la Pleiv da Glion ha organisau in viadi da pelegriadi a pei tochen Cuera nua ch'ins sa bugen separticipar.

Claudio Vincenz menziunescha che l'orgla en baselgia a Zignau vess basegns dad ina revisiun sco p.ex. accordar niev. Igl alter grond ha mo glisch falombra, ins savess far ponderaziuns co sclarir meglier.

Daniel Tuor engrazia en num dils cussadents dalla Casa S. Martin pil survetsch che sur Tomasz fa cun la messa las sondas e las visetas dil CP.

Rilana informescha ch'il CP fa sforzs da reactivar la colligiaziun cun ils giuvenils. Niev commember ei Andriu Demont, president dalla UG. Nus organisein ils 20-06, allas 19:00, in survetsch divin da «Lobpreis» cun la grupp da Laax, en collaboraziun cun la UG. Sco predicatur vegn nies uestg Joseph Maria.

Ella informescha d'esser vegnida elegida sco assistenta pastorala en piazza parziala ella pleiv da Mustér naven digl uost. Sco catecheta resta ella vinavon activa a Trun. Siu engaschi el CP vegn ella probabel a reducir.

Blandina Quinter: Cun Rilana havein nus en nies miez ina dunna el studi da teologia ch'ei uss engaschada dalla pleiv da Mustér. Ella less animar la suprastonza da buc tralaschar ni munchentar pusseivlas midadas en baselgia avon che tuts ein vegls ni extrai ord la baselgia.

President Pieder declara che per fatgs en baselgia ei sur Tomasz ed il CP responsabel.

Mathias Bundi ha gia menziunau el rapport che nus encurin dad ir autras ni novas vias, da sentir tgei vul cumminonza ni pastoraziun di, tgei basegns ein avonmaun. Sur Tomasz ei aviarts per discuors ed ideas.

Pieder engrazia a tuts presents ed alla vischnaunca per far diever dalla aula ed al pedel Lotar.

Trun, ils 7 da matg 2025

L'actuara: Olivia Pfister-Tgetgel

Visau dil president: Pieder Decurtins